



Broj: 07-04-05-8918/16
Sarajevo, 26.04.2016. godine

SKUPŠTINA KANTONA SARAJEVO
Služba za skupštinske poslove
- o v d j e -

Predmet: Odgovor na zastupničku inicijativu

Zastupnik u Skupštini Kantona Sarajevo Muhamed Kozadra, na 13. Radnoj sjednici Skupštine Kantona Sarajevo održanoj dana 30.03.2016. godine, u okviru tačke dnevnog reda "Poslanička pitanja, inicijative i odgovori", pokrenuo je sljedeću zastupničku inicijativu:

"INICIJATIVA ZA OBEZBJEĐENJE DODATNIH SREDSTAVA U BUDŽETU KANTONA SARAJEVO ZA RAZVOJ I POTICAJ INDUSTRIJSKE PROIZVODNJE

Kao što je poznato da u KS postoje industrijske zone (stare i novoformirane) i da su za iste neophodna velika sredstva koja lokalne zajednice same nisu u stanju obezbijediti.

U cilju poticanja novog upošljavanja prevashodno u proizvodnji predlažem da se izdvoje dodatna sredstva u rebalansu u 2016. god i u budućnosti

Poticaji bi se odnosili na sljedeće:

- Prilikom izgradnje proizvodnih objekata i novog zapošljavanja da investitori budu oslobođeni plaćanja rente i uređenja građanskog zemljišta
- Da općine donesu svoje propise u kojima će biti definisani svi elementi za ostvarivanje ovog prava:

- Namjenu gradnje
- Mjesto gradnje
- Vrijeme potrebno za izgradnju
- Broj novouposlenih
- Ograničenja u mogućoj prodaji izgrađenog objekta i promjeni namjene
- Garancije za poštivanje korištenja ovog prava

Navedena sredstva bi trebalo prevashodno usmjeriti na vangradske opštine koje imaju manje budžete, ali se na njihovom području i planski lociraju proizvodni pogoni što je logično da centralni dijelovi Grada i Kantona budu rasterećeni ovih sadržaja.

Ovakvu poticajnu mjeru imamo u pojedinim lokalnim zajednicama (Goražde, Tešanj,...) koje daju izvanredne rezultate."

ODGOVOR:

Dana 19.04.2016. godine, Ministarstvo privrede je zaprimilo predmetnu inicijativu putem Stručne službe Vlade Kantona Sarajevo, aktom broj: 16-49-87-86/16 od 13.04.2016. godine. Po ovoj inicijativi Ministarstvo privrede dostavlja sljedeći odgovor: U proteklom periodu izdvojena su značajna budžetska sredstva za sufinansiranje/finansiranje projekata infrastrukturnog uređenja i rješavanja imovinsko - pravnih odnosa u industrijskim zonama na područjima općina: Ilijaš, Vogošća, Hadžići i Ilidža. U Budžetu Kantona Sarajevo za 2016. godinu, na poziciji: 615400



IAU017, planirana su budžetska sredstva u iznosu od 610.000,00 KM za infrastrukturno uređenje i rješavanje imovinsko – pravnih odnosa u industrijskim zonama u općinama: Ilijaš, Vogošća, Hadžići, Ilidža i Novi Grad. Shodno tome kao i zbog opravdanosti ulaganja u predmetne projekte, Ministarstvo privrede, u okviru svojih nadležnosti, planira predložiti povećanje sredstava na gore navedenoj poziciji u slučaju rebalansa Budžeta Kantona Sarajevo za 2016. godinu, te će i ubuduće planirati povećana budžetska sredstva za ove namjene.

Međutim, potrebno je napomenuti, da u Kantonu Sarajevo nije donesen Zakon o poslovnim (industrijskim) zonama, tako da je jedan od prioriteta ovog ministarstva izrada ovog Zakona, kao što je i planirano u Nacrtu strategije razvoja Kantona Sarajevo do 2020. godine. Ovim Zakonom će se definisati pojam poslovne zone, utvrditi uslovi za osnivanje zona, propisati način upravljanja zonom ili zonama, regulisati rad u okviru zona, djelatnosti koje se mogu obavljati u zoni, uslovi za obavljanje tih djelatnosti i uslovi za prestanak rada zone, osigurati osnove za izradu kantonalnog plana za zone, odrediti mjesta gdje se formiraju zone, način korištenja zona, promociju zona, formiranje Savjeta ili drugog tijela za poslovne zone, kao i njegov pravni status i nadležnost, te urediti druga neophodna pitanja iz oblasti koja se ovim Zakonom uređuje. Dalje, ovaj Zakon će imati za cilj: Podsticanje i promovisanje ulaganja na području Kantona Sarajevo, obezbeđujući ulagačima odgovarajuću infrastrukturu za sprovođenje poslovnih djelatnosti; Podsticanje privatnih investicija u proizvodnim djelatnostima; Pomaganje ekonomskog razvoja na području Kantona Sarajevo, posebno u privatnom sektoru; Otvaranje novih radnih mjeseta i stvaranje prihoda; Objedinjavanje privrednih društava sa istom ili sličnom djelatnošću na određeno mjesto i promovisanje istih; Jačanje saradnje među privrednim društvima; Stvaranje uslova privrednim društvima za lakši pristup prijevozu, snabdjevanju energijom, vodom i uslugama; Povećanje konkurenциje među domaćim i stranim privrednim društvima; Privlačenje naprednih tehnologija i povećanje konkurenциje domaćih proizvoda i usluga; Ubrzanje regionalnog razvoja i proširenje ekonomskih veza između domaćeg i međunarodnog tržišta; Ubrzanje protoka robe i kapitala; i Poboljšanje drugih bitnih indexa, odnosno indikatora razvoja privrede u Kantonu Sarajevo.

U nizu ostalih aktivnosti, ističemo donošenje Zakona o poticaju razvoja male privrede („Službene novine Kantona Sarajevo“, broj: 29/15). Visina finansijskih sredstava planiranih u Budžetu Kantona Sarajevo u 2016. godini za ove namjene iznosi 0,5% vrijednosti godišnjeg Budžeta Kantona Sarajevo u prethodnoj godini. U navedenom Zakonu definisane su poticajne mјere i aktivnosti radi ostvarivanja ciljeva razvoja male privrede koje se utvrđuju programom razvoja male privrede. Ministarstvo privrede je pripremilo Program razvoja male privrede Kantona Sarajevo za period 2016. - 2019. godina, na osnovu kojeg se donose godišnji planovi razvoja male privrede koji sadržavaju konkretnе projekte, iznose sredstava i način provođenja planiranih aktivnosti.

S poštovanjem,

MINISTAR

Dr Muharem Šabić

Dostaviti

1. Naslovu
2. Stručna služba Vlade KS
3. Evidencija
4. a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

